

Širawt ta n karadat iktab Yaxya

Šihulawen

¹ Awa nak amyax a din-ihulan əməri-nin Gayəs arex əs tidət. ² Əməri-nin əsidaranax-ak təttəyt daş anamod kul, d assahat ən təxəssa-nak zun ta təge daş əzəgzan-nak. ³ Əknêx təfalawist wəllen y assa wa di-d-əgan mədrayan-nana daş əzəgzan, əmalan-i ənəfilal wa du-təga tidət daş təməddurt-nak d əzəluləx wa daş-as təge. ⁴ Wər t-illa a di-igân əsəffəliwəs ewadan wa di-iga ad aslaş as bararan-in əlkâman i tidət.

Ənəmännak d əməzrəy

⁵ Əməri-nin tətamazala s alyadala daş arat kul wa tətəgga i mədrayan-nana daş əzəgzan, wəllen win dak-əmosnen inaftaxan. ⁶ Əntanay dak-əggəyatnen dat Əlkənisat fəl tara ta kay-təhat. Ad tagax arat olaşan as dasan-təsamataga əşikəl-nasan s əmmək wa igrazan i Məşşina.

⁷ Fəlas wər imos əşikəl-nasan ar igi ən salan n Əlməsix, amaran wər əgmayan wala daş aytedan win wər nəssen Məşşina. ⁸ Daş adi nakkanay a iwar ad nədhəl aytedan ən šilat ən win di fəl a dər-san nənəməşxəl daş tarrayt ta n tidət.

⁹ Kala a din-əktabəy arat ən širawt gəzzulat y Əlkənisat mişan Dəyodrefəs irân a dasan-azzâr daş arat kul, wər iqbəl a danaş-in-igmâdan.

¹⁰ Adi da a fəlas as din-osex a dawan-agax isalan n aratan win immozal, əmosnen arak awalan win sər-nax itaggu. Amaran wər das-igda awen xas, fəlas tugəyt a iga s ad issəgən i mədrayan-nana dax əzəgzan əmosnen iməşşukal, igdal deyx y aytedan a tan-səmməguren, istaq-qan dax Əlkənisat. ¹¹ Əməri-nin tələl awa olağan, wərgəx awa labasan. Awedan wa itaggan a olağan ənta a irtayan əd Məşşina, wa itaggan awa labasan wər issen Məşşina.

¹² Daş batu ta n Demetrəyəs aytedan kul əgân fall-as təgəyya tolağat, amaran tidət tas ilkam, iman-net as fall-as təgəyyat. Nakkanay deyx nəga fall-as təgəyya tolağat, amaran təssânaş as təgəyya ta-nana ənta tidət.

Şihulawen şin əlkamnen

¹³ Əllan-tu aratan aggotnen as arex a dak-kan-in-annaş mişan s a wər nəmos akatab ən şirawt əs taddawat, ¹⁴ fəlas əknêş mərda n a kay-ənəya tarmad fəl a dak-kan-anna s əmi d əmi. ¹⁵ Əgmâya daş Məşşina, a fall-ak d-izazzabben alxer. Əhulan-kay-in midawan-nana. Təhulaş-in imidawan-nana, əkkulluk n iyyan təmalax-as.

**Ḑlinjil ɛn Ḑaysa Ḑlməsix Itawann-as dex
Arkawal wa Aynayan
Tamajaq, Tawallammat: Ḑlinjil ɛn Ḑaysa Ḑlməsix
Itawann-as dex Arkawal wa Aynayan New Testament
Le Nouveau Testament en tamajaq tawallammat,
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f